

tum eis erit possibile data diligenti opera sine fraude. Et de relacione dicti tractatus fideliter facienda primo prestent dicti tractatores corporaliter iuramentum, et si concordēs fuerint de relacione et tractatu predictis et ipse tractatus fuerit perductus ad effectum secundum modum et formam dicti tractatus, volumus, ordinamus et precipimus, quod sit et esse debeat bona pax et concordia inter ipsos perpetuo durature. (4) Et si super predictis dicti tractatores essent in discordia vel eciam si concordēs essent de ipso tractatu et ipse tractatus non posset ad effectum perducī usque ad carnisprivium novum proxime venturum¹, tunc volumus et ordinamus atque precipimus, quod extunc infra quindecim dies proxime subsequentes infrascripti pro parte dicti comitis, videlicet reverendus in Christo pater Berhtr(andus) Thar(antasiensis) archiepiscopus, Aymar de Bellovidere dominus Villenove, religiosus vir frater Willelmus preceptor domus Sancti Antonii de Chamberi, Antonius de Barg., Hugo de Chamdeya et Hugo de Rupecula milites^a, et infrascripti pro parte dicti Dalph(in)i, videlicet predicti frater Aymo^b abbas Sancti Antonii, Guido Alemandi, Petrus prior Sancti Valerii, Guigo de Bellovidere dominus dicti loci, magister Andreas Bonivini et Alemandus de Podio miles intrent et intrare debeant civitatem Vienne iurentque et iurare debeant, quod facient et procurabunt bona fide, quod bona pax et concordia erit et fiet inter partes predictas, querendo omnes modos et vias, per quos et per quas melius poterint ad bonam pacem et concordiam reducere dictas partes, et super hoc procedent concorditer, prout eis videbitur melius expedire. Iurentque et iurare teneantur, quod dictam civitatem vel extra ultra unum miliare non exeant, nisi demon^c dicte treugue tempore finito quousque bonam pacem et concordiam adinvenierint^d, declaraverint et ordinaverint inter partes predictas. Volumus eciam et ordinamus, quod declaratio et ordinatio super ipsa pace facta per ipsos perpetuam pacis et concordie obtineant firmitatem. (5) Volumus tamen, ut si aliquis vel aliqui predictorū positorū et nominatorū pro parte predicti comitis et Dalph(in)i evidentem necessitatem haberet vel haberent, quare dictam civitatem intrare non possent vel post introitum ibidem morari, quod in eo casu dicte partes et partium quolibet possint et debeant alium vel alios loco

a) Ueber der Zeile Or. b) Folgt kleine Rasur Or. c) So für 'demum' Or. d) So Or.

1) Febr. 9.